

Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonComercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material




✓

891.99
4-42 14th and June 4.
Chirnyi
2187526

854

891.99
Lh 42

Ա. ԱՀԱՐՈՎԵԱՆ




ԿԱՐՈՏ ՀԱՅՐԵՆԻ

704

8554

A 79013



ՊՈՍԹԸՆ
ՏՊԱՐԱՆ «ՀԱՅՐԵՆԻՑ»Ի

1927

ՆԱԽԵՐԳԱՆՔ

ԱՏՈՒԵՐՆԵՐՆ ԻԶՆՈՒՄ ԵՆ

Կեանիքիս արեւը թե բուեց դէպ մուտքը.
 Սոսուերներն ահա իջնում են հանդարտ.
 Մազերիս մէջ արծաթ թելեր են շողում,
 Մօտալուտ ձմրան գունատ բանքերներ.
 Էլի մի դուռ է, փակում է անդարձ,
 Աստուած է հսկում, երբե՛ք չի բացուի.
 Ափսոսանիք չունիմ, ոչ տրտունջ ցաւի.
 Աստուորից անդին պատրանիք է գունատ.
 Արծաթ պսակով ճակատնիս պատած՝
 Փակ դրան առջեւ մենիք լուռ ողջակէզ
 Մի անյայտ ձեռքով, որ կեանիքն օրօրեց
 Մինչեւ որ Սէրն ու Ցաւը յագենան:
 Ափսոսանիք չունիմ եւ ոչ տրտմութիւն,
 Զէ՞ վերջալոյսի ցոլքերն անուշ
 Հրկիզուած սրտի կայծեր են յետին,
 Կատարուած աղօթ-ք կեանիքի խորանում:
 Փա՛ռք քեզ մայր բնութիւն, դու միայն
գիտես

Մեր ալիքների արծաթ շողերով
 Մահը զարդարել եւ անէութեան
 Սարսափը մեղմել մշուշիդ ֆողով:

*
* *

Գիշեր է խորունկ. նրազս է պլայում.
Ցաւի ու սուգի այս ի՞նչ քափօր է պատերիս
վրայ.

Ճանաչում եմ ձեզ, իմ հին-հին պա'պեր,
Ո՞ւր է՞ շտապում, դէպի ո՞ր կայան,
Յոզնած գլխներիդ փոշի ցանելով.
Ո՞վ մտրակեց ձեզ այսպէս անողորմ,
Ո՞ր մրրկի տակ ձեր մէջքը ծռուեց.
Ո՞ւմ է՞ աղօթում Աստծուց քափուր
Մեր տաճարներում.

Ճանաչում եմ ձեզ, չարաբաղդ պապեր.
Հազար սերունդներ ձեր կողից ժայթքած,
Հնանում կուտուած ողկոյզների պէս,
Հազար ազգերի ոտքերին կոխան
Մի ահեղ Աստծու գինին ջամբեցին:
Չուր է քափօրը յուղարկաւորի.
Ա՛հ, անցէ՞ անձայն, ինչպէս որ եկաֆ.
Լոյսին սիրահար՝ նրազս եմ ատում,
Որ ձեզ դուրս շորթեց խաւարի խորֆից.
Անցէ՞ լուծուեցէ՞ անհունի ծոցում,
Մեր բաղդից հեռու՝ ձեր բաղդը լացէ՞:

Կեանիքիս արեւը դէպի մուտքն իջաւ,
Հրկիզուած սիրտս դեռ կայծեր ունի,
Եւ ամէն մի կայծ՝ մի աստղ հաւատի.
Թողէ՞ որ առանց ցաւի ու լացի
Դէպ անէութեան մշուշը դիմեմ
Իմ արեւի հետ, իմ հաւատի հետ...

ԱՐԵՒԹՅՈՒՆ

ԵՐԳ ԱՌԱՋԻՆ

ԱՐԵՒԻ ՑԵՏԵՒԻՑ

Ուշ երեկոյ է, խորութիւն ու լոխն.
Թախիծը դալուկ՝ մի ահեղ քոչուն—
Ծանր քուխս նստեց անհաս խորհրդին.
Ստուերներն իջան՝ հսկայ զուլհակներ —
Հիւսում են անծայր պատանը կեանի.
— Ճրագը վառի'ր, տղա'ս,
Թող այս տրտմաշունք խաւարը վանի.
Զարթնող գիշերի նիրանների մէջ
Կիսամեռ լոյսը օրհաս է հոգուս.
Ճրագը վառի'ր, տղա'ս, քող լոյսը պլալայ:

*

* *

Իրիկնամուտ է. շողերը մեռան
Ինչպէս մանուկներ օրօրանի մէջ.
Հորիզոնի տակ գոյնզգոյն ջահերը
Մորմոնով հանգան.
Ժամն է քաղումի.
Երկինքը բացեց իր մութ քեւերը
Հոգեվարքների քափօրի առջեւ.
Ոտնաձայները արձագանգ չունեն,
Համակ տիեզերքը նամբայ է ընկած,
Մի հարցնիկ' ո՞ւր, համր է տանջանիքը:
Խաւարի ծովը յորձանի է տալիս,
Մրրիկներ կան անհունի ծոցում.

Ժամանակների նաւն է նոնչում
Արիւն-արցունիքի թանձը բեռի տակ:

*
* *

Երազներիս գոհար բարձունից
Բաղդիս սայլն է իջնում աւալ ու թաւալ.
Ո'չ լծկան ունի եւ ո'չ սայլապան,
Մի մարած կեանիքի անիւնը բարձած՝
Առանց նոհնչի ու առանց ցաւի
Շեկ նամբաներով յամբ ու անձայն՝
Իջնում է, սուզում մշուշի ծոցում.
Մենաւոր ծառից ցող է կաթկրում,
Գիշերը լացեց եւ կոյր այրերից
Դեւերն են հաջում աստղերի ցոլֆին...

*
* *

Անտառի խորքում առանց քնարի մի լար է
հեծծում.

Մեծ լոռութիւնն է զրնգում մեղմիւ,
Անհուն դօղանջը անծանօթ թաղման.
Մի եղնիկ մեռաւ թաւուտի ծոցում,
Միակ յուղարկաւոր՝ հողմն է հեկեկում.
Ճօնի մէջ մոռցուած մանուկն է լալիս,
Մայրն ուշացաւ մեր սեւ դաշտերում.

Աւեր ջրաղացի փառն է կանգ առել,
Լուռ է ջրտունը, շառաչն է մեռել.
Դոնակն է անվերջ գնում ու գալիս
Հովերի առաջ՝ հանգչող մահուանը հով-
հարող ստրուկ:

*
* *

Հեռու ձորերում վառուող կրակը
Վհուկը փչեց. բոցը գալարուեց
Մի վերջին անգամ գալարուեց, մարեց.
Ուշացած նամբորդ եմ չար նամբաներում,
Հողմը փըշրեց լապտերը ձեռքիս.
Փշրուեց լապտերս ու չեմ մոլորուած,
Հոգուս մէջ մի աստղ ունիմ մշտավառ —
Կարօտը հայրենի.
Եւ ոչ մի աստուած կարող է այն մարել
Առանց ամօթի, առանց սարսուի.
Ա՛հ, կարօտը, կարօտը հայրենի...

*
* *

Ուշ երեկոյ է, խորունկ ու լոին.
Մշուշն է բարձրանում անհունի ծոցից
հազար ծուենով,
Տրորուած կեանիքիս ցնցոտիների պէս.

Ու երազներիս շարանը ժպտուն,
 Չուռղ հաւքերի երփներանգ երամ,
 Հանդարտ լուծում է գորշ մէզի ծոցում.
 Եւ կարաւանիս բիթմը զրնգան
 Մաշուեց ու մարեց անապատի մէջ.
 Բաղդիս հեծկլտան սրինգը լոեց.
 Յոյզերիս մրրկոտ հօտը մակաղեց.
 Լոռութիւն, լոռութիւն...

*
* *

Հանգչում է ահա ծարաւը փառքի,
 Ե՛ւ սէրը փոք-որկոտ,
 Ե՛ւ կիրքը բոցոտ,
 Ե՛ւ տենչը պայքարի.
 Եւ յաղքանակի հմայքը պատրիչ,
 Մխացող վէրքի կսկիծը խոհուն,
 Մնում է միայն կարօտն հայրենի.
 Աւեր տաճարի կանքեղ պլալան,
 Մի անմահ կրակ,
 Որ գերեզմանիս մէջ իսկ կը մխայ,
 Թէ Այրարատի ծոցում չը հանգչեմ,
 Եւ Արաքսը չօրօրի բունս յաւերժական...

ՅԱՅՐԵՆԻ ՏՈՒՆ

A 7.90/3

ԵՐԳ ԵՐԿՐՈՐԴ
ՀԱՅՐԵՆԻ ՏՈՒՆ


Գարուն է կրկին.
Կոռունկների երամը խունապով անցաւ.
Սարսուռ կայ բարձրում.
Ել չի ճնկնեկում զանգը վաղորդեան.
Դաշտերում մեռաւ երգը հօտաղի,
Լէլէն աղջկերանց, սրինգը հովուի.
Տունն է կիսաւեր, մահացու խոցուած.
Իր չորս պատերից լոկ մէկն է կանգուն.
Կտուրն է կախուել վերջին գերանին.
Երթիկն է աւեր նորուած աչքի պէս,
Ու նրա շրթին խլեզն է խաղում արեւի շող-
ֆին.

Մեռնող տնակն էլ աղօք-ֆ չունի.
Օջախն է մարած, ծուխ չի բարձրանում.
Կտուրից կախկխուած եղէզների մէջ՝
Հովն է հեկեկում ուշ գիշերներին
Ոգիների հետ...

*

* *

Եւ լուսաբացին նորեկ ծիծառը
Ի զուր պրպտեց իր բոյնը հէրուայ,
Ճլւաց, սգաց ու քռաւ անդարձ
Դէպի այլ երկինք բաղդը կերտելու:



704

854

Գարուն է կրկին, տանջանքն է երկնում
Չեւերը անհուն մոխիրների մէջ.
Ճիշուած կեանքն իր մէջքն է շտկում
Մի մութ խորհրդի ահեղ բեռի տակ.
Դաշտը երփներանգ խոկում է լոին
Ամայութեան մէջ ծաղկազարդ զարմանք,
Եւ առուները ցաւից խենթացած
Շեներն են ջրում, մարգերը լժած.
Մեր բակում մոռցուած երկու ուռենին
Մեղմ շշնջում են իրար ականջին՝
«Տեսն՝ ես, քուրիկ, տնակը մեռաւ»
Ու գլուխ-գլուխ դողում են մահից.
Ա՛հ, աւեր, խոպան իմ հայրենի տուն,
Աւեր ու խոպան սիրտս մղկտաց:

*

* *

Հոգուս մէջ կանգուն իմ հայրենի տուն.
Ես անհոգ մանուկ քո սուրբ յարկի տակ.
Այս արցունքնե՞րը... ես չեմ, ես չեմ,
Այն պառաւ ու յոգնած ժամանակն է լալիս.
Ես անհոգ մանուկ քո արդար ծոցում
Ու այնպէս երջանիկ...
Երկու ծուռ ու մուռ սիւն սեւ առաստաղի
տակ,

Տնիքում են անձայն տաղտուկը կեանիքի,
Պատեր ու ձեղուն, հերդիկ ու դռնակ,
Այնպէս խօսուն են, ու այնպէս խոհուն:
Ամէն առաւօտ ծուխն է բարձրանում
Պալան ու պալան.
Թոնիքն է վառում.
Մայրս կուզէ — կուզ ծխի վրանի տակ,
Աչքերն արցունքոտ, հոգին լուսաշող
Սիրտը՝ սիրոյ ծով, ծով հոգսերի մէջ
Մեր ցաւն է բաշում, իր զաւակների.
Մա՛յր իմ, մա՛յր իմ, ի'նչ հեռու ես դու,
Գերեզմանների անցաւ աշխարհում.
Զաւակներդ ո՞ւր են, մայր իմ անզաւակ.
Ահա մանուկ եմ քո բարի յարկի տակ.
Այս արցունքնե՞րը... ես չեմ, ես չեմ,
Այն պառաւ ու յոգնած ժամանակն է լալիս
իմ սգուոր աչքերով:

*

* *

Իմ հայրենի տոն'ն, աղօթքի տաճար.
Եւ ես ծնկաչոք սեղանիդ առջեւ,
Ցաւի, գուլումի մեր սեւ օրերին,
Երբ հայրս Աստծու գութն էր աղերսում,
Եւ ցասումն արդար,

Հերդիկն էր իր սուրբ աղօք-քի նամբան.
 Ու մեր հերդիկին միշտ կուցած էր
 Մի ահեղ Աստուած,
 Որպէս ներմակ ամպ հողմերի թեւին,
 Կամ մրրիկը խօլ.
 Որպէս արեւի շողքը մոլորուած,
 Կամ գիշերը սեւ.
 Որպէս կարեկից աստղիկ մի պայծառ,
 Կամ շանիք ու կայծակ:
 Աստուած ի՞նչ է որ.
 Թոքուն մշուշ,
 Արեւ ու աստղիկ,
 Երկինք ծուատող ամպրոպ ահաւոր,
 Շանքող օճի պէս կայծակի բեկրեկումն,
 Խելագար քրքիջ անսանձ մրրկի,
 Յաւերժական լաց,
 Մի անծայր տնիքոց, որից դողում էր մեր
 դուռ ու հերդիկ.
 Աստուած ի՞նչ է որ...
 Օջաղիդ հսկող,
 Հուրդ բորբոքող այն Աստուածը իին,
 Ո՞վ սպանեց, հայրենի՝ տուն,
 Աղօք-քի տանար:

* * *

Ա'հ, գիշերը սե՛ւ,
 Սեւ ու կախարդիչ իմ հայրենի տուն.
 Ողջ տիեզերքում մենք այնպէս մենակ
 Եւ մեր խրնիքը մենակ տիեզերք.
 Քնած չարքերը խաւարի ծոցից
 Զարքնում են, շարտում պատերի տակին,
 Լոիկ ունկնդիր նպուռի երգին.
 Մեզ մանուկներիս լեզու են ցոյց տալիս,
 Զեռքերով նակտին հովանի անում պլալան
 լոյսից.

Ուռած շրթունքով փչում են նրագին
 Որ լոյսը մարի, մեզ բռնեն խեղդեն:
 Ու զարգանդ ունենք.
 Մօտ-մօտ սղմում ենք սեւ նրագկալին.
 Ու նրագկալը թարքը մեզ պարզած՝
 Զգոյշ պահում է ձիք է նրագը.
 Ճրագկալը հայրս էր շինել,
 Ճրագը՝ բրուտ Մոսին,
 Զէքը՝ մեր արտերից էր,
 Եւ կրակը՝ մայրս էր վառել Դրնդեզից
 Ժամի բակում, երբ դեռ հարս էր.
 Ու այն ժամանակից մեր կրակն էր վառ,
 Մեր նրագը վառ ժամի կրակից.
 Հայրենի՝ տուն, հայրենի՝ տուն,

Մոխիրներիդ ու նրագիդ կարօտն ունիմ.
Ո՞վ մարեց քո նրագը վառ,
Մոխիր, մոխիր հայրենի տուն:

*

* *

Ու մեր դուռը ծխոտ,
Մեր դուռը ցածրիկ
Հզօր ու խղնուկ.
Գզիրն է ծեծում, հարկը պահանջում.
Տէրտէրն է գալիս օրինանքը շրթին
Իր փայ ու բաժնին.
Թափառիկ աշուղ ճնկճնկան սազով,
Աննար մուրացիկ՝ մախաղը ուսին.
Ու դուռն է ճնճչում ճխխանի վրայ,
Մեր հնազանդ, մեր տրտում դուռը.
Հզօր է դուռը ձմրան արհաւիրքին.
Հողմերն են սուլում մութ գիշերներին,
Բուքն է կաղկանձում քաղցած գայլի պէս,
Զիւնի տակ ծածկում կտուր ու հերդիկ.
Դուռը ճնճչում է, մրմնջում ցաւով
«Ի՞նչ ծանր է, ծանր է այս բեռը»...

Գարուն է կրկին. տանջանքն է երկնում.
Ես անտուն, անհող՝ ու սիրտս փղձկաց.
Հայրենի՝ տուն, հայրենի՝ տուն,
Կարօտ եմ մոխրիդ, լոյսիդ ու ծուխիդ,
Կարօտ եմ հերդիկիդ, քոնրիդ ու հոտիդ.
Փշրուած քնարի մղկտան լարի պէս, հոգիս
է հեծկլտում.

Հայրենի՝ տուն, հայրենի՝ տուն
Ու դուն էլ մի երա՛զ:

ԱՐԱՔՈ

ԵՐԳ ԵՐՐՈՐԴ

ԱՐԱՔՍ

Et pontem indignatus Araxes.

Virgile

Եւ կամուրջ չհանդուրժող Արաքսն ըմբռատ.

ՎԻՐԴԻԼԻՈՍ

Արաքս, զա՛ն Արաքս.

Կարօսող է հոգուս մէջ ծփան ու ծփան,
Պղտոր ու եռուն ալիքներիդ պէս.

Ծարաւ եմ տեսֆիդ, ջրիդ, շաշիւնիդ.

Կարօս եմ հեւֆիդ, զովիդ ու բոյրիդ,
Դալար ու բողբոջ անուշ ափերիդ.

Սիրում եմ մշուշիդ շղարշը ներմակ
Ամրան արեւի տարփոտ շնչի տակ.

Ու կոհակներիդ նազանֆը թրթոռուն,
Որպէս նորահարսը իր առագաստի մէջ.

Եւ քո փրփրուն ցասումն եմ սիրում
Գարնան օրերի խենթութիւնդ ահեղ.

Վիթխարի խաղերդ աւերածների,
Փոքորիկներիդ թնդիւնը խորունիկ,

Ու վիշապ մէջֆիդ յորձանին ահաւոր.
Արաքս, զա՛ն Արաքս, դուն իմ մա՛յր

Արաքս.

Հայոց աշխարհի փայլվուն սուսեր,
Դուն կամրջընկէց, դուն անյաղք Արաքս.

* *
 Մի հէֆեաք գիտեմ մանուկ օրերից
 Հայոց աշխարհի հէֆեաքը կապոյտ.

«Բիւրակն լերան
 «Զմրուխտ այրերից
 «Լոյսի պէս ներմակ
 «Հազար աղջիկներ
 «Մեր հովիւների
 «Սրինգի ձայնին
 «Քրֆջալէն
 «Դաշտ են դուրս գալիս,
 «Ժպտում արեւին,
 «Ծառին ու ծաղկին,
 «Ծփան վարսերը
 «Հովերին տուած՝
 «Խենք պար են բռնում
 «Օրօր ու շորոր
 «Բիւրակնի շուրջը.
 «Եղնիկ ու երէ
 «Ծերպերը թողած՝
 «Վազում են խմբով
 «Կոյս մարմինների
 «Բուրմունքը շնչում.

«Եւ աղջիկները
 «Ծաղիկների մէջ
 «Կայքոում են, խնդում
 «Եւ քրֆիջի հետ
 «Կապոյտ աչքերից
 «Արցունիք է ցայտում,
 «Արցունիքի միջից
 «Արաքսն է ծնում
 «Մի չբնադ մանուկ.
 «Եւ լեռը ձորին,
 «Զորը դաշտերին
 «Հայոց լեռների
 «Հէֆեաքն է ասում
 «Կապոյտ հէֆեաքը
 «Մանուկ հսկայի:»

*
 * *

Ելնում է Արաքսը Բիւրակնի ծոցից
 Ինչպէս կտրիչը սեւ վրանի տակից,
 Պայծառ նակատին յակինքէ պսակ,
 Կապոյտ աչքերին՝ մայր ծովի երազ,
 Թրթռուն ու կայտառ իր շղարշի մէջ
 Հազար նազանենը, երգով ու պարով
 Սէգ Այրարատի գիրկն է շտապում:

Ի՞նչ ես որոտում, Արա'քս, զա՛ն Արա'քս,
Ո՞վ թափեց գիրկդ սարսուռը ցաւի,
Ափերիդ կախուած ուտինե՞րը լացին,
Թէ՞ սեւ ժայռերը սեւ հէֆեաթ ասին.
Ո՞վ պղտորեց այդպէս ջրերդ վնիտ,
Ո՞ր ձեռքը փշրեց աստղերի հայելին,
Ինչո՞ւ արեւի ցոլքերը շողշողուն,
Ել չեն խորդում ծոցդ յակինքի:

*
* *

Մռայլ լեռներից հազար աղբիւրներ
Գալարուն գետակ, վշվան վտակ
Իջնում են թափում գիրկն Արաքսի.
Լաց ու կականվ պատմում են նրան
Մեր աշխարհի
Ցաւերը հին,
Գանգատը հողին,
Տրտմութիւնը հայոց դաւշտերի,
Եւ շինականի քրտինքը լացող,
Անտէրունց ընկած գութանի տնիցոց,
Խոցուած մանկալի արեան մրմնցոց.
Մեռնող հօրօվելի արձագանգ յետին,

Անմայր գառների բառաչն աղեխարշ,
Եւ եղնիկների լացը մղկտան.
Կոհակ կոհակին ցաւ է շշնջում
Ու թունդ է ելնում հոգին Արաքսի:

*
* *

Վիշապ է Արաքսը
Հայոց աշխարհի զուլումը գիտէ.
Կողերը սղմող ժայռերի ծոցում
Որոտ է հանում ինչպէս մրրիկ,
Իր գոռ ցասումի խօլ արձագանգով
Հսկայ լեռների կուրծքն է ծուատում.
Փրփուրէ քաշը հովերին տուած՝ որպէս ա-
ռագաստ,

Թաւ մոմոցով ալիք է հանում ալիքի վրայ.
Եւ անդունդից՝ անդունդ գահաւէծ
Ցասում է դիզում դարիւ ու դարիւ.
Աստծոյ մերկացրած հսկայ եաթ-աղան
Լեռներն է միջից երկու կէս անում.
Ցորձանք է տալիս կատաղի թափով,
Ժայռերն է խլում խաղագնդակի պէս,
Անտառն է շորթում լերան լանջերից,
Արտերը քաշում տափաստաններից,
Ու իր ծփծփան ուսերին նետում.

Եւ աւերածի աւարը շալկած՝
Գրոհ է տալիս կուռ կամուրջներին,
Եւ կամար ու սիւն յորձանիքի բերան,
Նետի պէս ձգուում է դէպի Այրարատ:

*

* *

Արա' fu, զա'ն Արաfu.
Ահա քն ցաւն է գալարում հոգիս,
Ինչպէս զոռ հողմը անտառը քաւուտ.
Ու հոգիս ֆեզ պէս գետ է յորձանուտ.
Ու ամէն մի յորձանիք իր կսկիծն ունի.
Ու ամէն մի կսկիծ իր գաղտնիքը խոր:
Մի բարի Աստծու ծոցից եմ ծնուած
Քո արդար ափերին՝ ինչպէս մի եղէգ,
Դարերի արդար երգը հիւսելու,
Աստուածացումը տառապող մարդու,
Քրտինքը՝ բեղուն,
Յոգնած ճակատի
Կնիոր խոհուն.
Ժպիտը մանկան,
Շողը վաղորդեան,
Բոյրն արշալոյսի,
Գեղը բնութեան.
Սիրոյ մորմոնքը
Նազելի կոյսի:

Ալեկոծ հոգուս կոհակների մէջ
Ի զուր եմ վնտոռում իմ երգը մտերիմ,
Մօրս օրօրի հետ որքան աստղեր են մարել
Երկնիքում:

Առանց գարունիքի՝ աշունիս հասաւ.
Ու ցաւին քարքող հողմերը ձմրան
Թօշնած տերեւ են սփռում իմ հոգում,
Մերձամուտ ձիւների մահինը փռում:

*

* *

Արա' fu, մա'յր Արաfu, քն գաւակն եմ ես
Հոգիս մի գիրք է կեանիքի սարսուոի,
Գրուած ու կնիքուած Աստծու ձեռքով.
Ահա' բաց կ'անեմ ես այն ֆեզ համար
Դուն մի' սարսափիր.

Գեհեն կայ իմ հոգում, արիւնի մրրիկ,
Կայծակի անարեւ, բոնութեան անէծք
Ունացող ցաւի արձագանգը խօլ.

Դուն մի' սարսափիր.

Զէ՞ քն գաւակն եմ, զրերդ եմ խմել,
Մօրս օրօրի հետ՝ երգերդ եմ ուսել.
Հոգուս հրդեհը բոցն է քն սիրոյ.

Դուն մի' սարսափիր.

Ժանտ է իմ երգը, քունաւոր տատասկ,
Վիրաւոր վազրի ահեղ կաղկանձոց,
Բոնութեան նակտին՝ շիկացած երկար,

Դուն մի՛ սարսափիր.

Երգս ցատումի խորտակիչ կռան,
Գոռ արդարութեան հնոցում ձուլուած
Երգս նզովի բոցեղ հրաբուխ,

Դուն մի՛ սարսափիր.

Արաքս, մա՛յր Արաքս, ո՞ւ զաւակն եմ ես:

*

* *

Հոգիս թոջուն է որք ու բնաւեր,
Քո ծոցին կարօտ՝ հանգիստ առնելու
Եւ ո՞ւ սուրբ կրծքին, Բիւրակնից-Մասիս
Հազար տարիների ոսխող է նստած.

Թիւրքը ո՞ւ ափի՞ն...

Քնա՞ծ էիր միթէ, երբ դարանակալ
Մեր հին օրերի թշնամին հասաւ.
Մասսի վեհափառ տեսքո՞վը տարուած,
Թէ՞ կոհակներիդ հետ խաղի ու պարի.

Թիւրքը ո՞ւ ափի՞ն...

Տիզրոն ու բաղդադ, Հոռմ ու Բիւզանդ
Ի զուր փորձեցին ո՞ւ թափը սանձել
Կուռ կամուրջների յաղթ կազմուածքի տակ

Ինչպէս սանձում են նժոյգն ամենի.

Թիւրքը ո՞ւ ափի՞ն...

Տե՛ս, զաւակներիդ կարաւանն անծայր
Անտուն, անհող ու անհայրենիք
Սեւ նամբաների փոշիների մէջ
Օտար ափերին արցունքը խմեց,
Թիւրքը ո՞ւ ափի՞ն...

*

* *

Ա՛հ, զուր ես ափերդ ծեծում կականով,
Ի զուր սուզ, շիւան, վայ ու վայնասուն.
Զուր է պաղատանիքդ. Աստծու քղանցքից
Արիւն է ծորում աշխարհի վրայ.

Շառաչիր ցաւդ միայն քե՛զ համար,
Մի՛ նայիր երկինք, ուր աստուածները
Վաղուց են մեռած.

Մի՛ նայիր աշխարհին,
Աշխարհն ի՞նչ է որ,
Մի խարլխած դագաղ եւ մէջը մի դիակ,
Դիակ գարշահոտ, որ թաղող չունի.
Ցասումդ մոնիչա՛ զաւակներիդ հետ,
Ինչպէս վիրաւոր վազր անապատի,
Շուրջդ գալարուող անյոյս տանջանիքին
Զարգանդդ զամբիր ջրի փոխարէն,

Պրկուած զայրոյթիդ թեւերը փոփր,
Ինչպէս անգղը իժի թիկունին,
Դու մահը հեծի՛ր, անսանձ երիվար
Ե՛լ ու փրփրիր, հինաւո՛ւրց վիշապ,
Տափաստաններում անդունդներ փորիր,
Անհուն գերեզման քո ոսխներիդ,
Եւ լեռ ու բլուր նրանց թիկունին
Հողաքումք շինիր, փրփուրդ թի՛ր
Տիեզերական ցոփ ու նենգ խղնին:

*
* *

Մի բարի Աստծու ծոցից եմ ծնուած՝
Դարերի արդար երգը հիւսելու
Ինչպէս քո ափի եղէզն անքիծ
Մենաւոր խօսնակ տրտում գիշերի:
Արդ իմ այս դաժան, ժանտ երգի համար
Զազի՛ր բռնութիւն, կ'ուզէի լինել
Կրակէ մրրիկ քո նիւաղ գլխին,
Կ'ուզէի մահու գաղտնիքը շորթել,
Զոհերիդ կանչել գերեզմաններից,
Ու նրանց ցասումից մի բռունցք զանգել,
Քո անիծապարտ մէջքը խորտակել,
Դուն որ Բարիին իմ ուխտուած հոգին
Կապարն դարձրիր թունոտ նետերին.

Արցունիքով ուռած կուրծքս է եռում
Ինչպէս լի կաթսան հնոցի վրայ.
Ա՛հ, ինչ տանջանի է, ի'նչ կրակ-կսկիծ
Մի նկուն ցեղի զաւակը լինել,
Հզօրի թունոտ ժպիտը մուրալ,
Փակ դրան առջեւ արցունիքը կլլել,
Աշխարհից ծածուկ մենակ հեծկլտալ:
Եթէ կաս, Աստուա՛ծ, գութդ չեմ հայցում,
Դադրի՛ր չարիքից, յոգնութիւն չունի՞ս,
Քնիր գէթ մի անգամ մի հազար տարի,
Թող որ իմ ազգը իր բաղդը կերտի
Քո եղեռնածին աչքերից հեռի:

*
* *

Ա՛հ, ի'նչ տանջանի է մի նկուն ցեղի զաւակը
Լինել...
Տանջա՞նի... Ո՞վ փոքրոգութիւն, ո՞վ
Սպուր երգիչ:
Յետ սուր ինձ Աստուա՛ծ, յուսաքեկու-
թեանս այս նիչը եղուկ,
Հոգուս անծանօթ՝ շրբունիցու թուած, յե՛տ
Սուր տրտունջս.
Հզօր է իմ ցեղը կատաղութեանդ դէմ
Ինչպէս կուռ ժայռը փոքրիկների տակ.

Երկնի հուրն է շորքել քո ծոցից խիզախ
խոյանենով.

Տիեզերական սառնամանիքի մէջ
Հայրերիս անմար կրակն է կայծկլտում
Մեծ տառապանիքի անքիծ հնոցում,
Դուն հին ոխերիմ, մենք՝ Պրոմէթեոս,
Թո՞ղ ուժգին դառնայ թափը ամպրոպիդ.
Բազմացրո՞ւ անգղերդ քո վրէժխնդրութեան,
Եւ թող մեր լեարդը ծուատեն անյագ,
Զես կարող մարել բոցը մեր հոգու.
Անքիւ աստուածներ՝ կ'անցնեն ու կ'եր-
թան,

Մեր խաչելութեան ժայռի բարձունիքին
Հուրը կը մխայ, հուրը երկնային.
Ի՞նչ փառք անստուեր, ի՞նչ հպարտութիւն
Զահակիր ցեղի զաւակը լինել
Զաւակը անյաղք, հզօր Արաքսի:

ՄԱՍԻՍ

ԵՐԳ ԶՈՐՅՈՐԴ

ՄԱՍԻՄ

Եթէ դու յորս ելցես յազատն ի
վեր ի Մասիս,
Զիեզ կալցեն քաջք, տարցին յա-
զատն ի վեր ի Մասիս,
Անդ կացցես եւ զոյս մի՛ տեսցես.
Մ. ԽՈՐԵՆԱՑԻ

Հայոց աշխարհի հսկայ նահապետ,
Աստղերի կայան,
Փռքորիկների տէր,
Մրրկի Աստուած,
Շանք ու ամպրոպի ահարկու վարպետ,
Մասիս զարհուրա՛նք.
Տիեզերական ցատումի՞ց ծնաը
Աշխարհի հիմունիքը ցնցող տնիոցով,
Թէ՞ նիւթի ու կրքի աստուածը քառ
իր բոցեղ արգանդից քեզ դուրս շպրտեց,
Մի մեռած Աստծու խօևական արձան:

*
* *

Բարձրանում է նա տիեզերքի սրտին
Ալեգարդ գլուխը Աստծու կրծքին.
Ու յաղթ թիկունքին դարերն է շալկել,
Ժամանակների սահանքը փակել.
Մենակ ու մռայլ հովիւ ահարկու
Չեռքը նակատին՝ նայում է հեռու
Իր ցրիւ եկած հօտն է որոնում
Հայոց աշխարհի ցաւը որոնում:

*
* *

Արքայ է Մասիսը վաղ առաւտին
Եւ իր զարքօնիքը՝ հրաշք բնութեան.
Յուրի Արագած եւ սարն Արայի,
Բիւրակն ջրառատ, Սիփան ծաղկաշատ,
Նօրերը կիտած Նեմրութ ու Գրգուռ
Մշուշի շղարշը գլխներին ժաշած՝
Նայում են ծածուկ երկչոս հմայքով
Երբ արշալոյսի բիւր երանգներով
Արքան է զուգում, ինչպէս մի տիտան
Ու նրա խոժոռ հայեացքի առջեւ
Շունչերը պահած մանուկների պէս
Ծունկի են գալիս:

*
* *

Ահա ուսերից նետում է մեղմիւ խաւար գի-
շերուայ քողը սեւամած,
Ու կապոյտ շղարշը, ոսկեշաղ մշուշ, թի-
կունքն է առնում.
Ալեգարդ նակտին ներմակ ամպերի պսակ
Բոլորուն,
Եւ արշալոյսը ոսկէ մատներով պսակի
Չուրջը գոհար է շարում,
Փիրիւզ ու յակինթ, զմրուխտ, ադամանդ
Ցոլք են արձակում աստղերի նման ու հուր-
հրատում.
Նայում են լեռները, աչքով են անում իրար
ու ժպտում աղջամուղջի մէջ:
Ու յանկարծ Մասիսը փառքից ձանձրացած
Ճեր արքայի պէս,
Քաշում է ուսից շղարշը կապոյտ ու դէն
Չպրտում.
Ճակտից շորթում է պսակն ակնակուռ,
Ալեգարդ գլխին ոսկու շողշողուն փոշի է
ցանում,
Վրան է առնում արշալոյսի գոյներից հիւս-
ուած մի նոր ծիրանի,

Ուսերին՝ բոսր, ծովերը՝ ծփան երանգ ու
երանգ,
Թիկունիքը՝ վարդագոյն լոյսի խուրձերով,
Ներքեւը մանուշակ գորշ երիզներով.
Եւ համայն լեռները հետում են նայում մը-
շուշի միջից:

Արեւն է բարձրանում դէպի հորիզոն.

Վիթխարի հսկան զրահ է կապում
իր ահեղ կրծքին զրահը ոսկու,
Ալեգարդ գլխին ոսկէ սաղաւարտ ցոլք է
արձակում,
Հայոց լեռների աչքը խտողում ամէն առա-
ւոտ, ամէն առաւոտ:

* * *

Որպէս խունապած ուղտերի կարաւան,
Դարերն են սահում իրար հրիրելով.
Մասիսը նայում է անհաս բարձունիք,
Նայում է խոկում.
Ժամանակից դուրս՝ մի անհուն խոհ է նա,
Երկնիքից կախուած հսկայ մտածումն.
Տիտաննեան հոգի, որ արձանացել է
Հայոց աշխարհի բաղդի նակատին,
Ամերածներից վեր,

Մահերից բարձր,
Աստղերի մէջ,
Աստծու կողքին,
Աշխարհին ասելու՝
«Ես կա'մ եւ կը լինիմ»...

* * *

Անդունդների կրակէ մրրիկը տիեզերքի հի-
մունիքն է ժանդում
Եւ աշխարհներ են գահավէժ ընկնում, նո-
րերը ծնւում,
Լեռներ են մեռնում մանուկների պէս, նո-
րերը բարձրանում,
Ծովերն են եռում կաթսաների պէս,
Երկինիք ու երկիր իրար են խառնում,
Տիեզերքի վախճանն է ահա.
Մասիսը տնիքում է, հուր ու ծուխ ժայր-
fnում,
Եւ հուր ու ծխի հետ կարմիր արեւներ եր-
կինիք շպրտում.
Օրհասը մօս է, աշխարհն է դողում սոս-
կումով բռնուած
Սոսկավիթխար լերան տագնապից.
Եւ ահա կարմիր հողմերի ծոցից

Ամպերի բոցավառ ծիրանին ուսին,
Նորից ցնցւում է տիտան ծերունին
Աւերածներից, մահերից բարձր,
Աստղերի մէջ, Աստծու կողքին
Աստծու նման աշխարհին ասելու՝
«Ես կա'մ եւ կը լինիմ»...

*

* *

Անապատների շէկ մրրիկների մէջ՝
Վայրագ խուժաններ եռում են ձանձրոյ-
թից,
Փրփրուն ծովի ալիքների պէս,
Իրար իրիրում խելայեղօրէն.
Վիշապն է անցնում Հայոց աշխարհով,
Հազար գլխանի նեռն է մոնչում,
Եւ երիվարների սմբակների տակ
Կեանի յետին ծիլերն են մեռնում.
Գահեր են խորտակում,
Ազգեր են փոշիանում իրենց կատաղի գա-
լարումների մէջ,
Եւ Մասիսը նայում է բարձրից, խոժոն ու
մոայլ.
Զուլումն է տեսնում իր ոտքերի տակ,
Եւ կարկտահար արտերի նման

Փշրուող ազգերի խշրտութն է լսում.
Նայում է նորէն աստղերի միջից
Աշխարհին ու մահին ասելու համար՝
«Ես կա'մ եւ կը լինիմ»...

*

* *

Մասիս, ջա'ն Մասիս, մանուկ օրերից
Մի երիվարի խրխինջ եմ լսում քո ան—
դունդներից.
Քո ծոցն է շղթայուած իմ երազ արքան
Սէգ Արտաւազդն իր բոց երիվարով.
Եւ պիտի ելնի զէնիք ու զրահով
իր զաւակների արիւնն ուզելու
Արար-աշխարհից.
Հզօր օրերին՝ իմ ցեղը զգաստ
Քեզ է պահ տուել իր աստուածներին,
Աժդահաններին, հին-հին քաջքերին,
Աւերիչ դեւերին, իր հսկաններին,
Կայծակը ծամող իր վիշապներին.
Մանուկ օրերից քո կուանների զրնգոցն եմ
լսում քո անդունդներից,
Հայոց Վուլկանն է զարկում զնդանին,
Մէծ Գաղափարն է դարբնում հայ ցեղի,
Շղթայուած արքայի իղձը դարաւոր.

Մանուկ օրերից հոգիս է քննում քն հուր
հոգու ենտ.
Եւ ահա կեանիս այս վերջալոյսին՝
Նորէն հինաւուրց խրխինջն եմ լսում.
Այն Արտաւազդի ձին է վրնջում՝ հուր երի-
վարը,
Գետինն է դոփում խուլ դրնդիւնով,
Շներն են հաջում, շղթան կրծոտում կապ-
ուած արքայի.
Ա՛հ, վաղուց է հասել օրը օրերի
Մասի՛ս, զա՛ն Մասիս, Արտաւա՛զդը տուր
մեզ:

*

* *

Հայոց աշխարհի հսկայ նահապե՛տ,
Քո ծոցում ծնուած՝ մանուկ օրերից,
Ես երիվարի խրխինջն եմ լսում քն ան-
դունդներից
Շղթայի շոինդ, զնդանի տնիոց.
Եւ ահա կեանիս այս արեւմուտին,
Հոգիս վերստին դէպ քեզ է դարձած,
Որպէս լուսաբացի ծաղիկն արեւին.
Ցրի՛ր կատարիդ ամպերը մոայլ,
Ճակատիդ աստղէ պասկը շորքիր,

Նայի՛ր Գրգուռին, Սիփան, Նեմրութին,
Սեւանայ լնից մինչեւ Վանայ ծով,
Հայկական Պարից մինչեւ մեր Տաւրոս,
Արաքսի ափերից՝ մինչ Տիգրիս, Եփրատ,
Վիթխարի հովիւ Հայոց աշխարհի,
Զաւակներդ ո՞ւր են, ո՞ւր են հօտերդ.
Չին է խրխնջում քն անդունդներում
Սէգ Արտաւազդի հուր երիվարը.
Վուկանը Հայոց վաղուց է կերտել
Սուսերն ահեղ շանքերից ձուլուած.
Փշրիր շղթաներն ամեհի արքայի,
Քաջ մերդ ոստի հա՛ն, աժդահաներդ,
Հուր ու բոց շնչող քն վիշապները.
Աշխարհի վրայ շպրտիր նրանց.
Վա՛ր քաշիր վերից հին Աստուածն անզօր,
Աստուածը հայի,
Ու փակիր նրան քն անդունդներում,
Ու հազար տարի, ու հազար տարի.
Կարմիր հողմերիդ քումբերը քանդիր,
Արտաւազդը տո՛ւր մեզ զէնի ու զրահով,
Ու քող աշխարհի հիմքերը դրնդան
Նրա փրկարար յաղթ հարուածներից.
Ա՛հ, մենի այնպէս կարօտ են ոյժին,
Մասի՛ս, զա՛ն Մասիս:

ԱՅՐԱՐԱՏԵԱՆ ԴԱՏ

ԵՐԳ ՀԻՆգԵՐՈՐԴ

ԱՅՐԱՐԱՏԵԱՆ ԴԱՇ

Այրարատեան դաշտ,
Գեղանի դշխոյ Հայոց աշխարհի.
Մանուկ օրերից կրակի ծարաւ՝
Ես քն հրաշեկ արեւն եմ խմել իմ հայրերիս
պէս:
Եւ ահա նորէն ծարաւ է հոգիս քն հուր
Երկնօքին ներիդ անթիւ գոյների ծփծփում-
ներին,
Վերջալոյսերիդ ալեկոծումներին,
Երբ որ հրածին ամպերը հեծած՝
Խօլ աժդահաներ կոիւ են տալիս,
Խաւարի կարկառուն տէգերն են փշրում
Արեւի սիրուն ամէն երեկոյ.
Չուռդ հաւքերը գարնանը յետ չեկան,
Ու կարմիր կարկտի կատաղութեան տակ
Մեր շքեղ ամառը մեռաւ խանձուած.
Եւ ահա մեր այս կանխահաս աշունօքին՝
Քո զինջ երկնօքի շողերն եմ փնտռում իմ ան-
շող նամքին,

Ես խոնջ ու տառապած ուխտաւոր լոյսի·
Ա՛հ, տուր ինձ հարքել, իմ հայրենի դաշտ,
Քո ծաղիկների երկնային բոյրով
Որպէս իմ անցած մանուկ օրերին:

*
* *

Այրարատեան դա՛շտ, երեսուն դարերի
Անքիծ խանարուր իմ արդար ցեղի.
Հուր մտածումներիս ոսկէ օրօրան,
Մի բարի Աստծու դու շքեղ անուրջ.
Ահա վերստին պատկերդ իմ հոգում,
Որպէս մայրական հեքեաթ լուսաշող.
Օտար, անիրապոյր հորիզոնների տակ
Նորէն մարգերիդ բոյրն եմ երազում,
Շինականներիդ հեւքը քրտինքոտ,
Եզն ու գոմշուկիդ փնչոցը հզօր,
Լոյս աղջիկներիդ երգը զրնգան,
Անքիւ հաւքերիդ կանչն առաւօտեան.
Եւ ահա վերստին իմ տրտում հոգում
Երգիդ ու գովքիդ հրդեհն է եռում,
Շաշիւնը հովերիդ, թրթիոը զեփիւրիդ,
Եւ քո ձեւերիդ ծփանքը դիւթիչ,
Զանգակներիդ դողանցը անհուն,
Լուր գիշերներիդ յօրանցը բեղուն

Եւ արշալոյսերիդ ծնունդը վեհափառ.

*
* *

Այրարատեան դա՛շտ, դիւթական պարտէզ
Հայոց աշխարհի,
Եւ պարտիզպանը՝ մի ծերուկ Աստուած.
Արեւելքից Մասիսն է ցցուած՝
Անքուն պահապան Հայոց պարտիզին.
Հարաւ-արեւմուտքից Պարը Հայկական,
Մասսի տեսքից խրտնած կարաւան՝
Ժայռերի ծփանքով ալիք առ ալիք
Թափ առած վազում են իրար իրելով,
Շիրակայ դաշտի շուրջն են բոլորուում,
Արագածի ոսքին դադար են առնում,
Քրտնաթոր ճակատը հովերին տուած:
Եւ Արագածը, իր լայն թիկունքով
Հայոց պարտէզն է պահում հիւսիսից
Եւ իր կողերին հազար գիւղ ու շէն
Մեղր ու կաթ ծծում մանուկների պէս:
Եւ Մասսի ոսքից մինչեւ Արագած
Զգլում է հրաշագեղ դաշտն Այրարատեան
Որպէս երփներանգ բեհեղ ծաւալուն,
Որպէս մի աղօք-ք երկնելի առջեւ
Հին հին օրերի հովուերգութիւն:

Եւ Հայոց աշխարհի գոյգ հսկաները
իրար են նայում դարաւոր խանդով
թէ ո՞վ է տէրը պերն Այրարատի.
Ու գեղեցկուիին ժպտում է երկսին,
Կուրծքը բացանում արեւի գգուանին:

*
* *

Այրարատեան դաշտ, բնութեան տաճար,
Մէկ սիւնը՝ Մասիս, միւսն՝ Արագած.
Երկինքը՝ կամար, արեւը՝ կանթեղ.
Բուրվառը՝ ծաղկանց բոյրը երկնային.
Թռչնոց երգերը, անլուռ մեղեդի.
Եւ միակ քուրմը՝ ժողովուրդն հայոց.
Մի անհուն տաճար, ուր մեր հայրերը
Արցունիք ու ժպիտ իրար խառնելով
Մերք տրտմութեան սաղմոսներ ասին,
Ու մերք խնդութեան օրիներգ իհիսեցին:
Այստեղ են խոկում սփինքսների պէս՝
Մեր արքայանիստ ոստանները սէգ,
Մեծ փառքի հէֆեաք տրտում Արմաւիր,
«Որպէս բիբ ական» շէկ Երուանդակերտ,
Եւ Վաղարշապատը՝ Աստծու կայան,
Ըմբռստ Արտաշատ, Եղբայրը Դուին,
Եւ Անի՛ն, Անի՛ն, մահացու խոցուած՝

Հազար տարի է՝ մեռնում է կանգուն,
Քար բազուկները երկինք կարկառած՝
Օրիասի ցաւից Աստուածը խեղդելու.
Հայոց աշխարհի պարտուած հսկաներ,
Դարերի դաժան խորհրդի վրայ
Իրենց կննոու նակատը կախած՝
Մեր հին փառքերի անիւնն են պահում:
Եւ ամէն անգամ՝
Երբ անապատի գորշ խաժամուժը
Արիւնի մրրկով մեր հողն է կոխում,
Քնած հսկաները դողում են ցասումով
Եւ մի ցաւագին, մի ահեղ տնիքոց՝
Ողջ Այրարատեան դաշտն է ալեկոծում
Հայոց աշխարհի հին վէրքն է եռում:

*
* *

Այրարատեան դաշտի չքնաղ գարունը
Կանաչ մախմուռով, մետաքսով պննուած
հարս է հրաշագեղ,
Արաքսն իր մէջքին արծաքէ գօսի
Ու ինքը համակ՝ ժպիտ ու նազանիք.
Ու ամէն գիշեր տարփու խունապով
Մասսի թիկունիք աստղերն են ելնում,
Քնած դիցուհու գեղով հմայուած՝

Արծաթ շողերի անձրեւ են տեղում
 Նրա հոլանի ծոցը բուրաշատ:
 Բոցու երկնից արեւն է ծագում,
 Այրարատեան արեւը ոսկի.
 Սեւ հողն է փրփրում նրա շողերով
 Ինչպէս կուրծքը կոյսի սիրոյ համբոյրով.
 Եւ կեանքի հզօր երկունիքը փոք-որկում,
 Կանաչի անծայր ծովն է ծփծփում:
 Լորերն են սուլում առւոյտների մէջ.
 Քաղհանող աղջկանց երգն է զրնգում,
 Եւ մատաղ սրտերի սիրոյ մեղեդուն,
 Արտուտն է բարձրում արձագանգ տալիս:
 Արագիլն է անցնում օձը կտուցին,
 Պարանոցը ձգած՝ ինչպէս ներմակ նետ.
 Ծիծեռնակները եթերն են նեղքում
 Եւ նուռղում են շողերով հարբած.
 Կկուն է ձայնում բաղդաւոր արուին,
 Սարեակը ծառի կատարին թառած՝
 Մարտի է կանչում իր ախոյեանին.
 Եւ նննղուկները բազէից փրկուած՝
 Սաղարթի խորքում Աստուած են օրինում.
 Արծիւն է նախրում անհաս բարձունքում,
 Եւ հեռուն՝ կապոյտ սարալանջերին
 Հօտերն են ձգում հանդարտ դէպի վեր:

* * *

Եւ Այրարատեան դաշտի ամառ՝
 Շիկահեր դիցուհի, հարուստ զիստերով.
 Երկնից ոսկէ անձրեւ է մաղւում արտերի
Վրայ.
 Ու ամէն մի հասկ՝ արեւի մի շող,
 Մի լոյս մտածումն անյայտի խորքից.
 Հնառուրն է հեւում թաւ որաների մէջ
 Տիեզերական րիթմը տանջանքի.
 Եւ մի հին երկունիք քրտինք է լալիս
 Կեանքի վաղանցուկ ժպտի քողի տակ.
 Բարձած սայլերի նոհնչը գալարուն,
 Որպէս քրքիջը յաղքող պատրանքի,
 Փարում է ծղրիդի գաղտուկ նոռոցին.
 Հօտաղի երգը մեռնում է տապից.
 Եւ գոմշուկների հզօր փնջոցով
 Գետնից փոշու ամպեր են բարձրանում,
 Ինչպէս մայր հողի տնիցոցը խորունկ.
 Հաւքերն են ծուարում զով սաղարթներում.
 Ծառերը մնչում են, զեփիւրը մեռնում.
 Խաղողի որթերը ողկոյզով յղի
 Մեղմիւ յենում են մերձաւոր թփին,
 Մրգաշատ ծառերը մայրութեան բեռով՝

Հողն են համբուրում.
Կրակ-արեւի շեկ բոցերի մէջ
Դեղին է երկինք, երկիրը յուռքի,
Եւ համատարած այս դեղնութեան մէջ
Առույտն է փուռում,
Գարունից մոռցուած մի կանաչ երազ:

*
* *

Եւ աշունը Այրարատեան դաշտի՝
Համակ քախիծ է ու գեղեցկութիւն.
Կրքի պոռթկումին յաջորդող յօրանց,
Նորածինին ժպտող դալուկ մայրութիւն:
Ամպերն են կախուում Մասսի կատարին,
Լեռների կապոյտ մշուշն է մգանում,
Ուշ գիշերներին ծառերն են վշշում
Պաղ հողմերի մտրակների տակ.
Ու տերեւների ոսկեշող գորգը
Գետինն է ծածկում մահու ժպիտով:
Ծուխ է բարձրանում հեռու դաշտերում,
Որպէս մենաւոր մոլորուած աղօթ-ք,
Մի սայլ է քաւալում ամայի նամբով՝
Որպէս անկատար յոյսի տրտմութիւն.
Եւ սարեակների գորշ քափօրները բարձրա-
նում են իջնում

Սեւ ամպի նման խոպան դաշտերում.
Եւ կոռւնկները թուխ շարաններով փուռում
— են ցելերում,
Ապա հրաժեշտի ողջոյնը տալիս սարին ու
դաշտին,
Ու հեռաւոր արեւի կարօտն աչքերին՝
Շեշտ սլանում են դէպի տաք հարաւ.
Եւ համատարած ամայութեան մէջ
Այգեկութի արբշիո տենդն է եռում,
Ու մատաղ հարսի ստիճների պէս՝
Յուռթի ողկոյզներ հնաձանների մէջ,
Կրունկների տակ կրակ են ժայթքում.
Եւ ամեն ողկոյզ մի քրքիջ ունի,
Ինչպէս նարնատիւնը բոցավառ հնոցի
Մօտալուտ ձմրան կատաղութեան դէմ.
Ու յարկերի տակ կեանիքի փրփրուն հոգին է
եռում
Բուրաւէտ գինին Հայոց աշխարհի:

*

* *

Եւ Այրարատեան ձմեռը դաժան...
Մասսի այրերում փակուած հողմերը—
Նղբայուած դեւեր, — դուրս են սլանում,
Ու զարհուրանիքի երիվար հեծած՝

Դաշտն են արշաւում.

Եւ ամէն մէկն իր բուժն ունի, մըրիկը
ձիւնի.

Կեանին է կծկում խեղն յարկերի տակ,
Ամէն հերդիկից ծուխ է բարձրանում.
Բուխարու եզրին մի կոյր ծեր աշուղ
իր յոգնած սազի ճնկնիկոցներով
Հին-հին քաջերի գովին է անում.
Թոնիրան շրթին պառաւ տատիկը
Ուկէ հէֆեաք է ասում թոռներին.
Ուշ գիշերներին գայլերն են ոռնում,
Քաղցած վոհմակը լալիս է բժի տակ կեան-
ի սարսափը,

Եւ ինքը մի սարսափ.

Մերկացած ծառերը վայում են անյոյս,
Եղերամայրեր ցուրտ մեռելութեան.
Սեւ ագռաւները կոռում են վերից
Հեղմելով գարնան խոստումը սիրուն.
Արաքը դրսում մըրիկների տակ
Կոիւ է տալիս սառնամանիքին.
Գիշերը պարտում ցրտի գրոհից,
Ցերեկը մոնչում մէջքը ցնցելով,
Սառոյցը փշրում ու առաջ արած
Սղին է քշում դէպի կասպից ծով:

* * -

Այրարատեան դաշտում չորս քոյրեր գիտեմ
Չորս դիցուհիներ,
Եւ նրանք բաղդի չորս գաղտնիքն են տա-

նում իրար յետեւից եւ իրար կարօտ.

Մէկը վարդերով փէշերը լեցուն
իր սիրականի գալուն ակնդէտ,
Մէկը սիրատենչ իր փարթամ կուրծքը
Արեւի տարփոտ շողերին բացած.

Մէկը բարի մայր հազար բարիքի,
Եւ չորրորդը գունատ ուխտաւոր,
Ուսերին ձգած շղարշը ներմակ
Հանդարտ քայլում է դէպ գարնան արեւ:

* * -

Այրարատեան դաշտ, աղօթքի տանար,
Եւ ես ք առաջ հորիզոնից՝ հորիզոն
Հոգուով ծնկաչոք
Քո արդար լոյսին խոնարհ ուխտաւոր:

ԱՅՐԱՐԻՆ

ԵՐԳ ՎԵՑԵՐՈՐԴ

ՍԼՀԱՐԻՆ

«Եւ օճն էր իմաստնագոյն ժան զամենայն գաղանս որ ի վերայ երկրի»:

«Եւ ասէ օճն ցկինն... յորում աւուր ուտիցէ՞ ի նմանէ, բանայցեն աչք ձեր եւ լինիցի՞ իբրեւ զԱստուածս՝ նանաշել զբարի եւ զչար»:

«Եւ ասէ Տէր Աստուած ցկինն, բազմացուցանելով բազմացուցից զտրումութիւն քո եւ զհեծութիւն քո»:

ԱՍՏՈՒԱԾԱՇՈՒԻՆՉ. ԾՆՈՒՆԴՔ Գլ. Գ.

Անցած գարնանը ծաղկած փշատի հովանու
ներքոյ
Պատանի մանկալը շատ խորը նայեց կոյսի
աչքերին,
եւ երկու սրտեր կայծակների պէս իրար
պլուեցին.
Արեւի ցոլքը՝ մի կաքիլ կրակ, ծաղկի ծոցն
ընկաւ,
Բազէն արտի մէջ նչացող լորի կուրծքն էր
կցատում

Եւ ցուլը տնիցով գետինն էր հնհոտում
էզի յետեւից.
Ճլուրլան արտուտը բարձր եթերում ցոլքեր
էր խմում.
Ու կեանին է քրթում հզօր երկունիքի
չքնաղ բիթմով.
Հարսնիք է այսօր, նուագի՛ր, վա՛րպետ.
Անցած գարնանը երկու կայծակներ իրար
փարեցին,
Եւ սրտապատառ երկինքը նչաց
Խնդաց ու լացեց.
Նուագի՛ր, վա՛րպետ:

*
* *

Հարսնիք է այսօր.
Ցուրտ լուսաբաց է ձմեռնամուտի,
Ադամայ մութը հէնց նոր վերացաւ վերջին
չարքի հետ.
Օդի մէջ ներմակ եղեամն է խաղում քի-
քեռների պէս
Խտացած սարսուոր մերձակայ ձմրան.
Մերկացած ծառերը գանգատաւոր են մոայլ
երկնիքն,
Անցած գիշերին հովն է չարչարել.

Զանգակը ժամի էլի մի անգամ ննկննկաց
լոեց.
Աղօթաւորները քողին տաճարը, Սրհարին
է կանչում,
Ցուրտ մշուշի մէջ, տիեզերական երգը քո-
ցեղէն:

*
* *

Անցած գարնանը փշատի ծառի տակ սէրը
բռնկուեց.
Եւ կոյսի կրծքին երկու տատրակիկ մեղմիւ
դողացին,
Հարսնիք է այժմ.
Եւ երաժիշտը աֆաղաղի պէս, բարձր կտու-
րին,

Լայնափող զուռնան դէպի արշալոյս,
Կլկլացնում է խորունկ աւիւնով.
Երկնիք ծածուկ պատուիրան ունի,
Արար աշխարհը ոտքի պիտ հանի:
Հեռու, յարկի տակ մի աղջիկ քրքջաց
Քրքջաց ու լացեց Սրհարու ձայնին,
Իր բաղդի կանչին,
Նուագի՛ր, վա՛րպետ,
Լա՛ց ու քրքջա՛:

* * *

Բարձր կտուրից հնչում է Սըհարին,
Նոր արշալոյսի կանչը երկնքին.
Դարերի խորքից բարձրացող խնդում
Անցնող սերնդի ժպիտը գալիքին.
Յաւիտենական օրիներգ բնութեան
Իր միակ պարզեւի, իր սիրոյ համար.
Նուագի՛ր, վա՛րպետ.

Դո՛ւն ես միայնակ
Տէրը տիեզերքի:

* *

Եւ տարածւում են ձայները դիւթիչ,
Մերք որպէս պոռթկուն հրճուանք արուի,
Անյագ ու կատաղի իր տանջանքի մէջ.
Մերք որպէս կոյսի լացը հանոյքից
Մեղմ ու գալարուն մրմունջը սիրոյ,
Երկչուն ու խենք տարփանքին գերի.
Նուագի՛ր, վա՛րպետ.

Տառապանքի
Գաղտնիքն ասա՛:

*

* *

Զայներն են եռում բարձր ոլորտում
Եւ ամէն մի հնչիւն՝ բրբռուն պատգամ
Թէ՝ «կայ, կայ, անցնողը միշտ կայ»...
Անիւնների վրայ կեանքը կայ յաւէտ,
Ոչ ոք չի մեռել աստղերի ներքոյ,
Արար-աշխարհում գերեզման չը կայ,
Մեռելութիւնը դալուկ օրօրան ժայթքող
Ժպիտի,
Լաց ու խնդութիւն միեւնոյն երգն է,
Եւ տիեզերքում ուրիշ երգ չը կայ,
Կայ միայն Սըհարին երգը գերազոյն
Նուագի՛ր, վա՛րպետ,
Թռղ մահն ու կեանքը
Միասին պարեն:

*

* *

Ոչ ոք չի մեռել արար-աշխարհում,
Ադամն ու Եւան ծնւռում են ամէն օր,
Ու դեւի ձեռքից խնձորը շորքում
Մահու ու կեանքի բուրմունքով հարուստ.
Շորքում են խնձորը, ժպտում են իրար
Եւ տիեզերքը ցնցող քրքիջով

Իրար են փարում, Աստծու ծածուկ
Իդաք կատարում
Մարմնի դրախտում:

*

**

Աստծու ծածուկ իդան է Սրհարին.
Ամենէն շքեղ երգը մեղսաւոր,
Խնկարոյր բուրվառ կոյս առագաստին,
Մատաղ մարմինների մերկութիւն հիւքեղ,
Մահու շրբունին համբոյր դողդոջուն,
Անմեռ արշալոյսի թրթիռ խտտղան,
Զոյգ հոգու հրդեհ, որ Աստուած է վառել
Մոխիրների մէջ կեանիքը ցանելու:

*

**

Ի՞նչպէս կարող էր իմաստունն Աստուած
Մարմնի գեղը կերտելէն վերջը՝
Արդար շրբունիքով սէրը անիծել.
Ժպտուն կեղծիք է անկծքը մեղիք,
Քմահան Աստծու անիրաւ կատակ.
Դրախտն առանց սիրոյ դագաղ է փայլուն,
Սէրը մահու մէջ՝ անմահութիւն է:

*

* * *

Չեւերի մէջ է խորհուրդը կեանիքի,
Հոգին լոկ սիրոյ շքեղ ծիրանի.
Մեղին է իմաստը աստուածգործութեան.
Արարչութիւնն իր հզօր կամքով
Վեց օր կերտելով ահեղն ու բարին՝
Ոչինչ դարբնեց աւելի դիւթիչ,
Քան գեղը մարմնի, քան սէրը յուորի,
Մեղին ու տանջանիք ծաղիկը երկնային:

*

**

Նոր արշալոյսի վարդագոյն գրկից
Կանչում է փողը արեւ աստծուն,—
Բոցահեր վահագնին.

Երկինք ու երկիր երկունիքի մէջ են
Եւ արեւելքը պատառ ու պատառ
Արիւն է ծորում աշխարհի վրայ.
Արիւնի միջից տիեզերական հրաշքն է

ծնուում
հսկայ:

Արեւ աչքերով ու հուր վարսերով մանուկը

*
* *
Անցած ամրանը գեղանի կոյսը պատանուն
ժպտաց.

Հարսնիք է այսօր, նուագի՛ր, վա՛րպետ.
Ու պառաւ տատը խաչերկաթը ձգեց
Առագաստի տակ... աչքերը սրբեց.
Ո՞վ է հեծկլտում. կեանիքը լա՞ց ունի...
Վարպետին ինչ փոյք
Սըհարին Աստծու պատգամն է ծածուկ:

*
* *
Սըհարու ձայները բեկ-բեկ ու դողդոջ
Լացն ու խնդութիւն իրար գալարուած,
Տատասկի ու վարդի արնացող մի փունջ՝
Տրում յարկերի ներսն է թափանցում
Նոր առագաստի ու խանձարուրի հեֆեաթը
ասում.

Հարսնիք է այսօր:

*
* *
Հարսնիք է այսօր, նուագի՛ր, վա՛րպետ,
Անիւնները խառնիր քն հզօր երգով.
Արեւ աստուածը լոյսերի հրդեհ է վառել
Երկնելում

Եւ արիւնազանգ ամպերի ծոցում
Մանուկն է լալիս խանձարուրի մէջ.
Ո՞վ փոեց վարսերը դագաղի վրայ.
Առագաստի տակ խաչերկաթը կայ
Եւ ամէն գարնան փշատն է ծաղկում:

*
* *
Նուագի՛ր, վա՛րպետ, հարսնիք է այսօր,
Մահն է սլացել ու մեռել իր մէջ,
Տե՛ս, մոխիրները կայծեր են ծաղկում,
Խառնիր, հա՛ խառնիր նուագիդ շնչով,
Արար-աշխարհում գերեզման չը կայ,
Մեռելութիւնը դալուկ օրօրան ժայր-քող
ծպիտի,

Եւ տիեզերքում մի հատիկ երգ կայ
Խինդի ու լացի պոռթկումը հզօր.
Նուագի՛ր վարպետ, նոր առագաստի
Ու խանձարուրի հեֆեաթը պատմիր
Հայոց աշխարհին, Հեֆեաթը ոսկի:

ՄԵՐ ԱՂՋԻԿՆԵՐԸ

ԵՐԳ ԵՕԹԵՐՈՌԴ

ՄԵՐ ԱՂՋԻԿՆԵՐԸ

Կոռունկի երա՞մն է իշել դաշտերում
Ու կղզում անուշ.
Թէ՞ եղնիկների հօտն է մոլորուել,
Ծերպերը քողած մարգերն իշել.
Զիդ պահի՛ր, ճա'մբորդ,
Թող սմբակների դոփիւնը լոի.
Կոռունկներն անձայն անցան վերերից,
Եղնիկ ու այծեամ մնչում են ձորում.
Ականջ դի՛ր, ճա'մբորդ,
Մեր աղջիկների լէ-լէն է զրնգում:

*

* *

Դալար քիկունֆին վեց-վեց ծամ ունին
Եւ ամէն մի ծամին մի շարք յուլունֆներ,
Գոյնզգոյն քաշկինակ ծոծրակին հանգոյց
Բամբակի ծաղկու արտն են քաղհանում.
Տեսե՞լ էֆ երբէֆ մատղաշ նոնին հովից կը-
ուացած
Պարանցը քաշ՝ այծեամն արածող :

Ու շարան-շարան մարգերն են բռնել,
Ծաղկի ու խոտի բուրմունքից հարբած,
Արեւի բոցոտ շունչը խմելով՝
Զարկում են ուրագները.

Մերթ ծածկում են ծաղիկների մէջ,
Մերթ բարձրանում շողերի ծովում,
Վարսերն են ծփում, յուլունքն է զբնգում
Ու երգն է ծաւալում խաղաղ դաշտերում
Հայոց աշխարհի լէ-լէն դիւթական:

* * *

Զիդ պահի՛ր, ճա՛մբորդ, լսո՞ւմ ես լէ-լէն,
Մասսի հովերի հեւքը կախարդիչ,
Մեր բարդիների շշուկը գիշերուայ,
Ծաղկաւէտ դաշտերի լռութիւնը խօսուն,
Եւ սէրը կրակ, որ խօսք է տալիս
Սարին ու քարին,
Դաժան լեռների սիրտն է բաց անում,
Լոյս աղբիւրների հետ է քրքջում,
Հովերին տալիս իր լացն ու խնդում:

Սարերը սիրտ ունեն, հովերը լեզու,
Սէրը կը հասկանան,
Մատաղ հոգիների մոմուռը կիզիչ
Եւ դա՛րդը, դա՛րդը...

Հո՛վ արէֆ, սարեր ջա՛ն, հո՛վ արէֆ,
Իմ դարդին դարման արէֆ.
Այսմն է փոխուել, սարերն են անողորմ,
Սարերը հով չեն անում
Դարդիս դարման չեն անում.
Հէ՛յ, Արաքսը կայ, ծփծփան ու բարի.
Եւ լէ-լէն փարում է գետին.

Արազը հեշտացել ա,
Ճամբէֆը կոշտացել ա,
Խարար տարէֆ իմ նանին,
Մուշտարիս շատացել ա:
Մուշտարին Արաքսի միւս ափին է.
Ամառ է, գետը բարի ու հանդարտ,
Արա՛զ, ջա՛ն Արազ, ճամբայ տուր սէրին:

* * *

Աղջկանց երգը գութանուորին հասաւ.
Հօտաղը քողեց իր հօրօվէլը.

Արու ուրուն սիրոյ մրմունջը լսեց
Ու ձայն է տալիս.

Աղջի անունդ Փէրի,
Ճակատիդ ոսկի շարի,
Մէկ պաֆ ուզեմ, երկու տուր,
Աստուած ախալէրդ պահի.
Վա՛յ քեզ, մասկալ. քրթիջը լսուեց.
Հեռու դաշտերում բոցեր են նարճատում:

*

* *

Մեր աղջկերանց սէրը՝ երգ է,
Եւ երգը սէր.
Շեղ ու փարթամ մազերի հիւսքը
Խաւարի ջրվէժ.
Աչքերը զոյգ ալմազ, մխացող ածուխ,
Հայեացքը մթի մէջ սուսեր կայծկլտան.
Մի անգամ են նայում ծածուկ ու յանկարծ,
Նայում են զգոյշ, գլուխը քաշ ճգում,
Շիկացած մի նետ, որ կուրծք է մխուում
Եւ էլ ոչ մի ձեռք շորթել չի կարող:

*
* *

Մատաղ սրտերի գեղանի հրձիգներ,
Տարին բոլորուն՝ նրանք միշտ գարուն.
Մայիսեան վարդի փունջ, որ ամրան տա-
պին,
Աշնան մոայլին, ձմրան թուխպերին,
Փթթում է բուրմունքով, ժպիտ է սփռում,
Մինչեւ որ հասնի յաջորդ գարունը:

*

* *

Հմայիչ աչքերը թարթող մայրութիւն,
Ոսկեղէն թակարդ, փոքրիկ խանձարուր,
Ճշացող մանկիկ, նոնչան օրօրան,
Ողջ կեանքը վաղուան
Կեանքը տիեզերական,
Եւ հայեացքի մէջ՝ անհուն տիեզերք
Ցաւը ոսկեզօծ ու կեանքը ժպիտ:

*

* *

Հոգիս նամբորդ է օտար ափերում,
Երեւակայութիւնս երիվար հեծած՝
Կանգնած է տրտում մեր ծով դաշտերում,
Մեր պաշիկների երգին ունկնդիր.

Բամբակն է ծաղկել, կանեփի բուրմուճքը
Աշխարհ է բռնել.

Ցորենի արտերը «հէրանց են գնում»,
Մասսի հովերով ալիք առ ալիք.
Մի հնառոր անցաւ գերանդին ուսին,
Զրուորը հանդարտ ծածկուեց հեռուն,
Աղջկերանց լէ-լէն զրնգում է իմ հոգում.
Անցի՛ք, նամբորդ. երեկոյ է արդէն,
Տե՛ս, քուխան իջաւ մեր լեռ ու ձորին,
Արաբսը կապտեց, հօսերը դարձան,
Ա՛հ, լէ-լէն լոեց մինչեւ արշալոյս:

ԿԱԽԱՐԴԱԿԱՆ ՏԱՅԱՐ

ԵՐԳ ՈՒԹԵՐՈՌԴ

ԿԱԽԱՐԴԱԿԱՆ ՏԱՃԱՐ


Ես գունատ ու յոզնած ուխտաւոր
Մի անձանօթ աստուածութեան
Կախարդական Տաճարի.

Անունը չը գիտեմ, ո'չ նրա տեղը,
Մանուկ օրերից պատկերն է իմ հոգում,
Եւ ականջիս մէջ մի անուշ զրնգոց.
Այն զանգակների ձայնն է հեռաւոր՝
Մի անձանօթ աստուածութեան
Կախարդական Տաճարի:

Մի աղօթ-ք կայ իմ հոգում,
Որ դեռ երբէք չեմ արտասանել.
Մի արցունիք կայ իմ սրտում,
Որ դեռ երբէք չեմ լացել.
Այն աղօթ-քն ու արցունիքն է՝
Մի անձանօթ աստուածութեան
Կախարդական Տաճարի:

Դիւթիչ զանգակների ձայնն ականջիս,
Հայեացիւ շեշտ հեռուն դէպ քարքող հո-
ես ողջ կեանիւ ժայլել եմ խոպան, փշոտ
նամբաներով.

ԶԵՆԻՒ ցՈւպը մաշուած է ահա,
Կը հասնե՞մ արդեօֆ...
Ես գունատ ու յոգնած ուխտաւոր
Մի անձանօք ասուածութեան
Կախարդական Տանարի:



ԳԱԱ Հիմնարար Գիտ. Գրադ.



FL0445622

[3n.]

